

佛說長阿含經卷第六

深六

姚秦三藏法師佛陀耶舍共竺佛念譯

第二分初小緣經第一

如是我聞一時佛在舍衛國清信園林鹿母講堂與大比丘眾千二百五十人俱爾時有二婆羅門以堅固信往詣佛所出家為道一

乙

何信

名婆悉吒二名婆羅墮爾時世尊於靜室出在講堂上彷彿經行時婆悉吒見佛經行即尋速疾詣婆羅墮而語之言汝知不耶如來今者出於靜室堂上經行我等可共詣世尊所儻聞如來有所言說時婆羅墮聞其語已即共詣世尊所頭面禮足隨佛經行爾時世尊告婆悉吒曰汝等二人出婆羅門種以信堅固於我法中出家修道耶答曰如是佛言汝今在我法中出家為道諸婆羅門得無嫌責汝也答曰唯然蒙佛大恩出家修道實自為彼諸婆羅門所見嫌責佛言彼以何事而嫌責汝尋白佛言彼言我婆羅門種最為第

一餘者卑劣我種清白餘者黑冥我婆羅門種出自梵天從梵口生於現法中得清淨解後亦清淨汝等何故捨清淨種入彼瞿曇異法中耶世尊彼見我於佛法中出家修道以如此言而訶責我佛告婆悉吒汝觀諸人愚冥無識猶如禽獸虛假自稱婆羅門種最為第一餘者卑劣我種清白餘者黑冥我婆羅門種出自梵天從梵口生現得清淨後亦清淨婆悉吒今我無上正真道中不須種姓不恃吾我憍慢之心俗法須此我法不爾若有沙門婆羅門自恃種姓懷憍慢心於我法中終不得成無上證也若能捨離種姓除憍慢心則於我法中得成道證堪受正法人惡下流我法不爾佛告婆悉吒有四種姓善惡雜居智者所譽智者所責何謂為四一者刹利種二者婆羅門種三者居士種四者首陀羅種婆悉吒汝聽刹利種中有殺生者有盜竊者有姪亂者有欺妄者有兩舌者有惡口者

有綺語者有慳貪者有嫉妬者有邪見者婆羅門種居士種首陀羅種亦皆如是雜十惡行婆悉吒夫不善行有不善報為黑冥行則有黑冥報若使此報獨在刹利居士首陀羅種不在婆羅門種者則婆羅門種應得自言我婆羅門種最為第一餘者卑劣我種清白

深六

二

信

餘者黑冥我婆羅門種出自梵天從梵口生現得清淨後亦清淨若使行不善行有不善報為黑冥行有黑冥報此報必在婆羅門種刹利居士首陀羅種者則婆羅門不得獨稱我種清淨最為第一婆悉吒若刹利種中有不殺者有不盜不姪不妄語不兩舌不惡口不綺語不慳貪不嫉妬不邪見婆羅門種居士首陀羅種亦皆如是同修十善夫行善法必有善報行清白行必有白報若使此報獨在婆羅門不在刹利居士首陀羅者則婆羅門種應得自言我種清淨最為第一若使四姓同有此報者則婆羅門不得獨稱我種清

淨最為第一佛告婆悉吒今者現見婆羅門種嫁娶產生與世無異而自詐稱我是梵種從梵口生現得清淨後亦清淨婆悉吒汝今當知今我弟子種姓不同所出各異於我法中出家修道若有人問汝誰種姓當答彼言我是沙門釋種子也亦可自稱我是沙門種

親從口生從法化生現得清淨後亦清淨所以者何大梵名者即如來号如來為世間眼為世間智為世間法為世間梵為世間法輪為世間甘露為世間法主婆悉吒若刹利種中有篤信於佛信如來至真等正覺十号具足篤信於法信如來法微妙清淨現可修行

深六

三

信

說無時節示泥洹要智者所知非是凡愚所能及教篤信於僧性善質直道果成就眷屬成就佛真弟子法法成就所謂眾者戒眾成就定眾慧眾解脫眾解脫知見眾成就向須陀洹得須陀洹向斯陀含得斯陀含向阿那含得阿那含向阿羅漢得阿羅漢四雙八輩

是為如來弟子眾也可敬可尊為世福田應受人供養篤信於戒聖戒具足無有缺漏無諸瑕隙亦無玷汙智者所稱具足善寂婆悉吒諸婆羅門種居士首陀羅種亦應如是篤信於佛信法信眾成就聖戒婆悉吒刹利種中亦有供養羅漢恭敬禮拜者婆羅門居士首陀羅亦皆供養羅漢恭敬禮拜佛告婆悉吒今我親族釋種亦奉波斯匿王宗事禮敬波斯匿王復來供養禮敬於我彼不念言沙門瞿曇出於豪族我性卑下沙門瞿曇出大財富大威德家我生下窮鄙陋小家故致供養禮敬如來也波斯匿王於法觀法明識真偽故生淨信致敬如來耳婆悉吒今當為汝說四姓緣天地始終劫盡壞時眾生命終皆生光音天自然化生以念為食光明自照神足飛空其後此地盡變為水無不周遍當於爾時無復日月星辰亦無晝夜年月歲數唯有大冥其後此水變成天地光音諸天福盡

命終來生此間雖來生此猶以念食神足飛空身光自照於此久住各自稱言眾生眾生其後此地甘泉涌出狀如酥蜜彼初來天性輕躁者見此泉已默自念言此為何物可試嘗之即內指泉中而試嘗之如是再三轉覺其美便以手抄自恣食之如是樂著遂無厭足其餘眾生復效食之如是再三復覺其美食之不已其身轉麤肌肉堅韌失天妙色無復神足履地而行身光轉滅天地大冥婆悉吒當知天地常法大冥之後必有日月星象現於虛空然後方有晝夜晦明日月歲數爾時眾生但食地味久住世間其食多者顏色深六麤醜其食少者色猶悅澤好醜端正於是始有其端正者生憍慢心輕醜陋者其醜陋者生嫉惡心憎端正者眾生於是各共忿諍是時甘泉自然枯涸其後此地生自然地肥色味具足香潔可食是時眾生復取食之久住世間其食多者顏色麤醜其食少者色猶悅

澤其端正者生憍慢心輕醜陋者其醜陋者
生嫉惡心憎端正者衆生於是各共諍訟是
時地肥遂不復生其後此地復生麤厚地肥
亦香美可食不如前者是時衆生復取食之
久住世間其食多者色轉麤醜其食少者色
猶悅澤端正醜陋迭相是非遂生諍訟地肥
於是遂不復生其後此地生自然粳米無有
糠糲色味具足香潔可食是時衆生復取食
之久住於世便有男女互共相視漸有情欲
轉相親近其餘衆生見已語言汝所爲非汝
所爲非即被擯驅遣出於人外過三月已然
後還歸佛告婆悉吒昔所非者今以爲是時
彼衆生習於非法極情恣欲無有時節以慙
愧故遂造屋舍世間於是始有房舍翫習非
法姪欲轉增便有胞胎因不淨生世間胞胎
始於是也時彼衆生食自然粳米隨取隨生
無可窮盡時彼衆生有懈墮者默自念言朝
食朝取暮食暮取於我勞動今欲併取以終

深六

五

信

一日即尋併取於後等侶喚共取米其人答
曰我已併取以供一日汝欲取者自可隨意
彼人復自念言此人黠慧能先儲積我今亦
欲積糧已供三日其人即儲三日餘糧有餘
衆生復來語言可共取米答言吾以先積三
日餘糧汝欲取者可往自取彼人復念此人
黠慧先積餘糧以供三日吾當效彼積糧以
供五日即便往取時彼衆生競儲積已粳米
荒穢轉生糠糲刈已不生時彼衆生見此不
悅遂成憂迷各自念言我本初生以念爲食
神足飛空身光自照於世住久其後此地甘
泉涌出狀如酥蜜香美可食我等時共食之
食之轉久其食多者顏色麤醜其食少者色
猶悅澤由是食故使我等顏色有異衆生於
是各懷是非迭相憎嫉是時甘泉自然枯竭
其後此地生自然地肥色味具足香美可食
時我曹等復取食之其食多者顏色麤醜其
食少者顏色悅澤衆生於是復懷是非迭相

憎嫉是時地肥遂不復生其後復生鹿厚地肥亦香美可食時我曹等復取食之多食色鹿少食色悅復生是非共相憎嫉是時地肥遂不復現更生自然粳米無有糠糲時我曹等復取食之久住於世其懈怠者競共儲積由是粳米荒穢轉生糠糲刈已不生今當如何復相謂言當共分地別立標幟即尋分地別立標幟婆悉吒由此因緣始有田地名生彼時衆生別封田地各立壇畔漸生盜心竊他禾稼其餘衆生見已語言汝所爲非汝所爲非自有田地而取他物自今已後勿復爾也其彼衆生猶盜不已其餘衆生復重訶責而猶不已便以手加之告諸人言此人自有田稼而盜他物其人復告此人打我時彼衆人見二人諍已愁憂不悅懊惱而言衆生轉惡世間乃有此不善生穢惡不淨此是生老病死之原煩惱苦報墮三惡道由有田地致此諍訟今者寧可立一人爲主以治理之可

深六

六

信

護者護可責者責衆共減米以供給之使理諍訟時彼衆中自選一人形體長大顏貌端正有威德者而語之言汝今爲我等作平等主應護者護應責者責應遣者遣當共集米以相供給時彼一人聞衆人言即與爲主斷理諍訟衆人即共集米供給時彼一人復以善言慰勞衆人衆人聞已皆大歡喜皆共稱言善哉大王善哉大王於是世間便有王名以正法治民故名刹利於是世間始有刹利名生時彼衆中獨有一人作如是念家爲大患家爲毒刺我今寧可捨此居家獨在山林閑靜修道即捨居家入於山林寂默思惟至時持器入村乞食衆人見已皆樂供養歡喜稱讚善哉此人能捨家居獨處山林靜默修道捨離衆惡於是世間始有婆羅門名生彼婆羅門中有不樂閑靜坐禪思惟者便入人間誦習爲業又自稱言我是不禪人於是世人稱不禪婆羅門由入人間故名爲人間婆

羅門於是世間有婆羅門種彼衆生中有人好營居業多積財寶因是衆人名爲居士彼衆生中有多機巧多所造作於是世間始有首陀羅工巧之名婆悉吒今此世間有四種名第五有沙門衆名所以然者婆悉吒刹利衆中或時有人自厭已法剃除鬚髮法服修

深六

七

信

道於是始有沙門名生婆羅門種居士種首陀羅種或時有人自厭已法剃除鬚髮法服修道名爲沙門婆悉吒刹利種中身行不善口行不善意行不善身壞命終必受苦報婆羅門種居士種首陀羅種身行不善口行不善意行不善身壞命終必受苦報婆悉吒刹利種中有身行善口意行善身壞命終必受樂報婆羅門居士首陀羅種中身行善口意行善身壞命終必受樂報婆悉吒刹利衆生身行二種口意行二種身壞命終受苦樂報婆羅門種居士種首陀羅種身行二種口意行二種身壞命終受苦樂報婆悉吒刹利種

中有剃除鬚髮法服修道修七覺意道成不久所以者何彼族姓子法服出家修無上梵行於現法中自身作證生死已盡梵行已立所作已辦不復受有婆羅門居士首陀羅種中有剃除鬚髮法服修道修七覺意道成不久所以者何彼族姓子法服出家修無上梵行於現法中自身作證生死已盡梵行已立所作已辦不復受有婆悉吒此四種中皆出明行成就羅漢於五種中爲最第一佛告婆悉吒梵天王頌曰

生中刹利勝 能捨種姓去 明行成就者 卅間爲第一

佛告婆悉吒此梵善說非不善說此梵善受非不善受我時即印可其言所以者何令我如來至真亦說是義

生中刹利勝 能捨種姓去 明行成就者 卅間最第一

爾時卅尊說此法已婆悉吒婆羅墮無漏心

解脫聞佛所說歡喜奉行

長阿含經第二分轉輪聖王修行經第二

如是我聞一時佛在摩羅醯樓人間遊行與
千二百五十比丘漸至摩羅樓國爾時世尊告
諸比丘汝等當自熾然熾然於法勿他熾然
當自歸依歸依於法勿他歸依云何比丘當

深六

八

信

自熾然熾然於法勿他熾然當自歸依歸依
於法勿他歸依於是比丘內身身觀精勤無
懈憶念不忘除世貪憂外身身觀內外身身
觀精勤無懈憶念不忘除世貪憂受意法觀
亦復如是是為比丘自熾然熾然於法不他
熾然當自歸依歸依於法不他歸依如是行
者魔不能燒功德日增所以者何乃往過去
久遠世時有王名堅固念刹利水澆頭種為
轉輪聖王領四天下時王自在以法治化人
中殊特七寶具足一者金輪寶二者白象寶
三者紺馬寶四者神珠寶五者玉女寶六者
居士寶七者主兵寶千子具足勇健雄猛能

伏怨敵不用兵仗自然太平堅固念王久治

世已時金輪寶即於虛空忽離本處時典輪
者速往白王大王當知今者輪寶離於本處
時堅固王聞已念言我曾於先宿者舊所聞
若轉輪聖王輪寶移者王壽未幾我今已受
人中福樂宜更方便受天福樂當立太子領

四天下別封一邑與下髮師令下鬚髮服三
法衣出家修道時堅固念王即命太子而告
之曰卿為知不吾曾從先宿者舊所聞若轉
輪聖王金輪離本處者王壽未幾吾今以受
人中福樂當更方便遷受天福今欲剃除鬚
髮服三法衣出家為道以四天下委付於汝

深六

九

宜自勉力存恤民物是時太子受王教已時
堅固念王即剃除鬚髮服三法衣出家修道
時王出家過七日已彼金輪寶忽然不現其
典輪者往白王言大王當知今者輪寶忽然
不現時王不悅即往詣堅固念王所到已白
王父王當知今者輪寶忽然不現時堅固念

王報其子曰汝勿懷憂以為不悅此金輪寶者非汝父產汝但勤行聖王正法行正法已於十五日月滿時沐浴香湯姝女圍遶昇正法殿上金輪神寶自然當現輪有千輻光色具足天匠所造非世所有子白父王轉輪聖王正法云何當云何行王告子曰當依於法立法具法恭敬尊重觀察於法以法為首守護正法又當以法誨諸姝女又當以法護視教誡諸王王子大臣羣僚百官及諸人民沙門婆羅門下至禽獸皆當護視又告子曰及汝土境所有沙門婆羅門履行清真功德具足精進不懈去離憍慢忍辱仁愛閑獨自修獨自止息獨到涅槃自除貪欲化彼除貪自除瞋恚化彼除瞋自除愚癡化彼除癡於染不染於惡不惡於愚不愚可著不著可住不住可居不居身行質直口言質直意念質直身行清淨口言清淨意念清淨正命清淨仁惠無厭衣食知足持鉢乞食以福衆生有如

是人者汝當數詣隨時諮問凡所修行何善何惡云何為犯云何非犯何者可親何不可親何者可作何不可作施行何法長夜受樂汝諮問已以意觀察宜行則行宜捨則捨國有孤老當拯給之貧窮困劣有來求者慎勿違逆國有舊法汝勿改易此是轉輪聖王所修行法汝當奉行

佛告諸比丘時轉輪聖王受父教已如說修行後於十五日月滿時沐浴香湯昇高殿上姝女圍遶自然輪寶忽現在前輪有千輻光色具足天匠所造非世所有真金所成輪徑丈四時轉輪王默自念言我曾從先宿耆舊深六

所聞若刹利王水澆頭種以十五日月滿時沐浴香湯昇寶殿上姝女圍遶自然金輪忽現在前輪有千輻光色具足天匠所造非世所有真金所成輪徑丈四是則名為轉輪聖王今此輪現將無是耶今我寧可試此輪寶時轉輪王即召四兵向金輪寶偏露右臂右

膝著地復以右手摩捫金輪語言汝向東方如法而轉勿違常則輪即東轉時王即將四兵隨從其後金輪寶前有四神導輪所住處王即止駕介時東方諸小國王見大王至以金鉢盛銀粟銀鉢盛金粟來趣王所拜首白言善來大王今此東方土地豐樂人民熾盛志性仁和慈孝忠順唯願聖王於此治正我等當給使左右承受所當時轉輪大王語小王言止止諸賢汝等則為供養我已但當以正法治勿使偏枉無令國內有非法行此即名曰我之所治時諸小王聞此教已即從大王巡行諸國至東海表次行南右西方北方隨輪所至其諸國王各獻國上亦如東方諸小國比時轉輪王既隨金輪周行四海以道開化安慰民庶已還本國時金輪寶在宮門上虛空中住時轉輪王踊躍而言此金輪寶真為我瑞我今真為轉輪聖王是為金輪寶成就其王久治世已時金輪寶即於虛空忽

深六

十一信

離本處其典輪者速往白王大王當知今者輪寶離於本處時王聞已即自念言我曾於先宿耆舊所聞若轉輪聖王輪寶移者王壽未幾我今已受人中福樂宜更方便受天福樂當立太子領四天下別封一邑與下髮師令下鬚髮服三法衣出家修道時王即命太子而告之曰卿為知不吾曾從先宿耆舊所聞若轉輪聖王金輪寶離本處者王壽未幾吾今已受人中福樂當設方便遷受天樂今欲剃除鬚髮服三法衣出家修道以四天下委付於汝宜自勉力存恤民物爾時太子受王教已王即剃除鬚髮服三法衣出家修道時王出家過七日已其金輪寶忽然不現典金輪者往白王言大王當知今者輪寶忽然不現時王聞已不以為憂亦復不往問父王意時彼父王忽然命終自此以前六轉輪王皆展轉相承以正法治唯此一王自用治國不承舊法其政不平天下怨訐國土損滅人

民凋落時有一婆羅門大目往白王言大王當知今者國土損滅人民凋落轉不如常王今國內多有知識聰慧博達明於古今備知先王治正之法何不命集問其所知彼自當答時王即召羣臣問其先王治正之道時諸智臣具以事答王聞其言即行舊正以法護世而猶不能拯濟孤老施及下窮時國人民轉至貧困遂相侵奪盜賊滋甚伺察所得將詣王所白言此人為賊願王治之王即問言汝實為賊耶答曰實爾我貧窮飢餓不能自存故為賊耳時王即出庫物以供給之而告之曰汝以此物供養父母并恤親族自今已後勿復為賊餘人傳聞有作賊者王給財寶於是復行劫盜他物復為伺察所得將詣王所白言此人為賊願王治之王復問言汝實為賊耶答曰實爾我貧窮飢餓不能自存故為賊耳時王復出庫財以供給之復告之曰汝以此物供養父母并恤親族自今已後勿

深六

十一

信

復為賊復有人聞有作賊者王給財寶於是復行劫盜他物復為伺察所得將詣王所白言此人為賊願王治之王復問言汝實為賊耶答曰實爾我貧窮飢餓不能自存故為賊耳時王念言先為賊者吾見貧窮給其財寶謂當止息而餘人聞轉更相毀盜賊因滋如是無已我今寧可柵械其人令於街巷然後載之出城刑於曠野以戒後人耶時王即勅左右使收繫之擊鼓唱令遍諸街巷訖已載之出城刑於曠野國人盡知彼為賊者王所收繫令於街巷刑之曠野時人展轉自相謂言我等設為賊者亦當如是與彼無異於是國人為自防護遂造兵仗刀劍弓矢迭相殘害攻劫掠奪自此王來始有貧窮有貧窮已始有劫盜有劫盜已始有兵仗有兵仗已始有殺害有殺害已則顏色顛頽壽命短促時人正壽四萬歲其後轉少壽二萬歲然其衆生有壽有大有苦有樂彼有苦者便生邪婬

貪取之心多設方便畱謀他物是時衆生貧窮劫盜兵仗殺害轉更滋甚人命轉減壽一萬歲一萬歲時衆生復相劫盜爲伺察所得將詣王所白言此人爲賊願王治之王問言汝實作賊耶答曰我不便於衆中故作妄語時彼衆生以貧窮故便行劫盜以劫盜故便

深六

十二

有刀兵以刀兵故便有殺害以殺害故便有貪取邪姪以貪取邪姪故便有妄語有妄語故其壽轉減至于千歲千歲之時便有口三惡行始出于世一者兩舌二者惡口三者綺語此三惡業展轉熾盛人壽稍減至五百歲五百歲時衆生復有三惡行起一者非法姪二者非法貪三者邪見此三惡業展轉熾盛人壽稍減三百二百如我今人乃至百歲少出多減如是展轉爲惡不已其壽稍減當至十歲十歲時人女生五月便出行嫁是時世間酥油石蜜黑石蜜諸甘美味不復聞名粳糧禾稻變成草莠繒絹錦綾劫具白疊今世

名服時悉不現織鹿毛縷以爲上衣是時此地多生荆棘蚊蚋蠅虱蛇虻蜂蠍毒蟲衆多金銀琉璃珠璣名寶盡沒於地唯有瓦石砂礫出於地上當於爾時衆生之類永不復聞十善之名但有十惡充滿世間是時乃無善法之名其人何由得修善行如是衆生能爲極惡不孝父母不敬師長不忠不義及逆無道者更得尊敬如今能修善行孝養父母敬順師長忠信懷義順道修仁者便得尊敬爾時衆生多修十惡多墮惡道衆生相見常欲相殺猶如獵師見於羣鹿時此土地多有溝坑溪澗深谷土曠人希行人恐懼爾時常有刀兵劫起手執草木皆成戈鉞於七日中展轉相害時有智者遠逃叢林依倚坑坎於七日中懷怖畏心發慈善言汝不害我我不害汝食草木子以存性命過七日已從山林出時有存者得共相見歡喜慶賀言汝不死耶汝不死耶猶如父母唯有一子久別相見歡

喜無量彼人如是各懷歡喜迭相慶賀然後推問其家其家親屬死亡者衆復於七日中悲泣號咷啼哭相向過七日已復於七日中共相慶賀娛樂歡喜尋自念言吾等積惡弥廣故遭此難親族死亡家屬覆沒今者宜當少共修善宜修何善當不殺生爾時衆生盡

深六

十四

信

懷慈心不相殘害於是衆生色壽轉增其十歲者壽二十歲二十時人復作是念我等由少修善行不相殘害故壽命延長至二十歲今者寧可更增少善當修何善已不殺生當不竊盜已修不盜則壽命延長至四十歲四十時人復作是念我等由少修善壽命延長

今者寧可更增少善何善可修當不邪淫於是其人盡不邪淫壽命延長至八十歲八十歲人復作是念我等由少修善壽命延長今者寧可更增少善何善可修當不妄語於是其人盡不妄語壽命延長至百六十歲百六十時人復作是念我等由少修善壽命延長

我今寧可更增少善何善可修當不兩舌於是其人盡不兩舌壽命延長至二百二十歲三百二十歲時人復作是念我等由修善故壽命延長今者寧可更增少善何善可修當不惡口於是其人盡不惡口壽命延長至六百四十六百四十時人復作是念我等由修

善故壽命延長今者寧可更增少善何善可修當不綺語於是其人盡不綺語壽命延長至二千歲二千歲時人復作是念我等由修善故壽命延長今者寧可更增少善何善可修當不慳貪於是其人盡不慳貪而行布施壽命延長至五千歲五千歲時人復作是念

深六

十五

信

我等由修善故壽命延長今者寧可更增少善何善可修當不嫉妬慈心修善於是其人盡不嫉妬慈心修善壽命延長至於萬歲萬歲時人復作是念我等由修善故壽命延長今者寧可更增少善何善可修當行正見不生顛倒於是其人盡行正見不起顛倒壽命

延長至二萬歲二萬歲時人復作是念我等由修善故壽命延長今者寧可更增少善何善可修當滅三不善法一者非法婬二者非法貪三者邪見於是其人盡滅三不善法壽命延長至四萬歲四萬歲時人復作是念我等由修善故壽命延長今者寧可更增少善何善可修當孝養父母敬事師長於是其人即孝養父母敬事師長壽命延長至八萬歲八萬歲時人女年五百歲始出行嫁時人當有九種病一者寒二者熱三者飢四者渴五者大便六者小便七者欲八者饕餮九者老時此大地坦然平正無有溝坑丘墟荆棘亦無蚊蠅蛇虺毒蟲瓦石沙礫變成琉璃人民熾盛五穀平賤豐樂無極是時當起八萬大城村城隣比雞鳴相聞當於爾時有佛出世名爲彌勒如來至真等正覺十号具足如今如來十号具足彼於諸天釋梵魔若魔天諸沙門婆羅門諸天世人中自身作證亦如我

今於諸天釋梵魔若魔天沙門婆羅門諸天世人中自身作證彼當說法初言亦善中下亦善義味具足淨修梵行如我今日說法上中下言皆悉真正義味具足梵行清淨彼眾弟子有無數千萬如我今日弟子數百彼時人民稱其弟子号曰慈子如我弟子号曰釋子彼時有王名曰僂佉刹利水澆頭種轉輪聖王典四天下以正法治莫不靡伏七寶具足一金輪寶二白象寶三紺馬寶四神珠寶五玉女寶六居士寶七主兵寶王有千子勇猛雄傑能却外敵四方敬順不加兵仗自然泰平爾時聖王建大寶障圍十六尋上高千

深六

十六

信

則壽命延長顏色增益安隱快樂財寶豐饒
 威力具足猶如諸王順行轉輪聖王舊法則
 壽延長顏色增益安隱快樂財寶豐饒威力
 具足比丘亦如是當修善法壽命延長顏色
 增益安隱快樂財寶豐饒威力具足云何比
 丘壽命延長如是比丘修習欲定精勤不懈
 滅行成就以修神足修精進定意定思惟定
 精勤不懈滅行成就以修神足是為壽命延
 長何謂比丘顏色增益於是比丘戒律具足
 成就威儀見有小罪生大怖畏等學諸戒周
 滿備悉是為比丘顏色增益何謂比丘安隱
 快樂於是比丘斷除姪欲去不善法有覺有
 觀離生喜樂行第一禪除滅覺觀內信歡悅
 斂心專一無覺無觀定生喜樂行第二禪捨
 喜守護專念不亂自知身樂賢聖所求護念
 樂行第三禪捨滅苦樂先除憂喜不苦不樂
 護念清淨行第四禪是為比丘安隱快樂何
 謂比丘財寶豐饒於是比丘修習慈心遍滿

十七

信

一方餘方亦爾周遍廣普無二無量除眾結
 恨心無嫉惡靜默慈柔以自娛樂悲喜捨心
 亦復如是是為比丘財寶豐饒何謂比丘威
 力具足於是比丘如實知苦聖諦集盡道諦
 亦如實知是為比丘威力具足
 佛告比丘我今遍觀諸有力者無過魔力然
 漏盡比丘力能勝彼爾時諸比丘聞佛所說
 歡喜奉行

長阿含經卷第六

深六

瑕隙丘上音遐 匿尼力 蹂躪二同則 抄楚交
 效効二胡敦反 堅鞭更下吾反 枯涸鶴下音 迭徒結 糠

糞上音康 擯驅下上必刃反 胞胎上必反 黠慧
 上開儲積上音除 刈魚吠 標幟下上必苗反 疆壇
 八反儲積上音除 存卹恤下思律二同 拯給上音蒸 怨
 正下音教與同 弓矢下式 掠奪上音略 荆棘下徒活
 及顛顛下音 蚊蚤下才自 友下於 蠅蠅下俗 蛇蛇下俗
 力京反下居蚊蚤上音莫庚反 友下於 蠅蠅下俗 蛇蛇下俗

下愚音官反 蜂蠍許音峯下 砂礫下音獵良輒
溝坑侯上反古 戈鉞下音和反 坑坎下音苦 饕餮音上
音鐵 丘墟魚下起 雄傑列下渠 百孤孤下音

佛說長阿含經卷第七

深七

姚秦三藏法師佛陀耶舍共竺佛念譯

第二分弊宿經第三

爾時童女迦葉與五百比丘遊行拘薩羅國
漸詣斯婆醯婆羅門村時童女迦葉在斯婆
醯村北尸舍婆林止時有婆羅門名曰弊宿

一 養美友

止斯婆醯村此村豐樂民人衆多樹木繁茂
波斯匿王別封此村與婆羅門弊宿以為梵
分弊宿婆羅門常懷異見為人說言無有他
世亦無更生無善惡報時斯婆醯村人聞童
女迦葉與五百比丘從拘薩羅國漸至此尸
舍婆林自相謂言此童女迦葉有大名聞已

得羅漢者舊長宿多聞廣博聰明叡智辯才
應機善於談論今得見者不亦善哉時彼村
人日次第往詣迦葉爾時弊宿在高樓上
見其村人隊隊相隨不知所趣即問左右持
蓋者言彼人何故羣隊相隨侍者答曰我聞
童女迦葉將五百比丘遊行拘薩羅國至尸舍
婆林又聞其人有大名稱已得羅漢者舊長
宿多聞廣博聰明叡智辯才應機善於談論
彼諸人等羣隊相隨欲詣迦葉共相見耳時
弊宿婆羅門即勅侍者汝速往語諸人且住
當共俱行往與相見所以者何彼人愚惑欺
誑世間說有他世言有更生言有善惡報而
實無他世亦無更生無善惡報時使者受教
已即往語彼斯婆醯村人言婆羅門語汝等
且住當共俱詣往與相見村人答言善哉善
哉若能來者當共俱行使還尋白彼人已住
可行者行時婆羅門即下高樓勅侍者嚴駕
與彼村人前後圍遶詣尸舍婆林到已下車